

**564.** *Ernst, Kurfürst, und Albrecht, Herzöge zu Sachsen, zeigen dem Rathe von Quedlinburg an, dass Bruno, Edler Herr zu Querfurt, beauftragt sei ihm gewisse päpstliche und kaiserliche Urkunden unter bestimmten Bedingungen wieder zurückzugeben. 1477. Aug. 28.*

5 Von gots gnaden Ernst, kurfürst etc., und Albrecht, gebrudere, herzcogen zcu Sachsen u. s. w.

Unsern grus zcu vor. Ersamen liben getruwen, als ir uns geschriben und bebeten hat uch die zwe pferde, die uch abegelihen, ouch die brive, davon uch vortrostung gescheen, bey dissem boten zcu  
 10 schicken, haben wir vorstanden. Also haben wir die zwe pferde dissem boten geantwurt uch die zcu brengen, ouch dem edeln hern Brunen, hern zcu Querfurt, unserm liben getruwen, etzliche bebstliche unde keyszerlich brive zcugeschickt und ym do bey geschriben, zo ir uch uff die meynung, als wir ym zcu erkennen geben, geyn  
 15 ... unser liben swester, frawen Hedewigen, ... eptisschyn zcu Qwedelinburg, uwir furstin und erbfrawen, vorschriben, das ir uch der widder ir obirkeit, die sie bie uch hat, ouch ir gescheffte, das sie mit uch desz wassirs und bruck halben obbir die Bude thun wurdet, als irer libe iczt zcusteht, nicht gebruchen wollet, als er uch woll zcu  
 20 vorstehen geben wurdet, das er alsdann, zo sulch verschreibung von uch volczogen, sulch alde brive und privilegia uch widder geben sall; das ir des eyn wissen und uch dornoch habet zcu richten. Geben zcu Dreszden an sente Augustin tag anno domini etc. LXXVII.

Den ersamen dem rate zu Qwedelineburgk,  
 unsern liebenn getruwen.

25

Im Haupt-Staats-Archiv zu Dresden s. R. II. Abth. Bd. IX. Bl. 260<sup>b</sup>. No. 17. (Bl. 229.)

**565.** *Ernst, Kurfürst, und Albrecht, Herzöge zu Sachsen, sichern in einem Schreiben an den Edlen von Querfurt denen von Quedlinburg ihren  
 30 Beistand zu, falls Herzog Friedrich von Braunschweig die fernere Zahlung des Jahrgeldes von diesen verlangen sollte. 1477. Sept 1.*

... Als ir zcu letzt hertzogen Friderichs halbin von Brunzwig berurt, das fast an uch gelange, wie er die von Quedlinburg des jahrgeldis, das sie im vormals gegeben und nu uffgeschriben, nicht vor  
 35 meyne zcu irlassen, sundir habe vor sie zcu beschedigen, also wir denn desz keyn ursache wenne alleyn wie esz an uch gelanget sey, vernehmen, beducht uns nicht nott seyn disze ciit weyter dar inne zcu handeln. So esz abbir also an uch gelangen, das ir desz waren grund hett, wollen wir uns den von Quedlenburg zcu gute nach notturft  
 40 darinnen irzeigen, doch umb mehr sicherunge so habin wir unsern